


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 55 || No. 10

October, 2019



Editor: Rev. Stephen Chinzathang

Synod Kumpuon:

"Kipah kawm a Mangpa nasem" (Late 100:2)

Khristian Tangkou

Vol. No. 55 || Issue No. 10 || October, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Hangpi Manlun
- **Moderator Elect:**
Rev. Zamlianpau
- **Secretary (Sr):**
Upa M. Liensuonkap
- **Secretary (Jr):**
Upa Kapkhanthang
- **Treasurer:**
Upa Chinsuanthang
- **Statistician:**
Upa T. Langkhanmang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Hamkam zah ding dan..... 06
- Atuom in um un..... 13
- Kingaituo in aw Unau 16
- Hosea bangin..... 18
- Serampore University i pom sese.. 20
- ZPWF Column 22

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Vah thuom in kithuom (Rom 13:12) *Zan abei dehdeh ta a, khuo vah ding hita, tuaziehin miel a silbawlte paiin vah thuom in iki thuom ding hi.*

Khristian Tangkou simtu zousie nabon un chibai hoitah kahing buh hi. Hunte hing kiheitou zel in kum tawp lam bang ing naita uhi. Hattuum ading in District/Biel, Presbytery leh Synod vaihawm hunte ang nai kia panta hi. Khawl a sietna, hoilouna, kimudana, kihuotna, kithangpaisuona, huoihamna chite nichin thusuoh leh hindan a muthei in aumta hi. Gingtu khat nahi a ahileh hun kiheidan na theimaw a um nawn sih hi. Rome 13:11 (Tualeh tu hun bang hun ahiei chi na thei zieh un, tami bawl un, a ziehpen i gintat chillai sangin i hundamna anai zawta a, imut khanlaw ahun mamata chi hun umdan na thei uhi. Tua ahilai in ei gingtute nasep ding atam mama ta hi.

Ei gingtuten Pasion gam nasepna leh Pasion biehnna pen ah hapan a pan ding sang in Hattuum sung a ngaidan leh Laisiengthou thuhil nate zui sang a eima ngaidan peipi sawmte pen a dingin zan abeikuon hita, khovel buoinate pen deh zoulou a um nalai pen mi hepihuoi leh Pasion nansepna a lungsim tahtah toh pelou ihikhah ding uh a zauhuoi kasa hi.

Tulai khovel ah gindan ngaidan zong tamtah ahing pien be hi. ahi adihpen bang ahei chi vang gen ding athei sih uhi. Tua ma bangin na ginna tudet in. Tamna i Laisiengthou in agen “tuaziehin miel a silbawlte pai in....” achi ahi. Theichienlou tamtah te toh gingtu te i kisubuoi ta uhi. Bang chidante in la chin zong nangaidan um kha va. Vaihawmnate ah Hattuum thugen zui dihnate ah Annania leh Saphira ibat hun uh zong atam ding hi. Ahin tua thu kigente pen meilum lah a lenna leng bang a na pailou a Jesu Khrist khu nang hing puitu leh na lampi peina ding a anung na zuilou leh Jesu nauzui nahi sih ding a Jesu pen phaw a zang a na ut-ut bawl nahi ding hi. Tuata pen khu Mangpa Jesu in zong Laisiengthou a agen zouta hi. Mangpa Mangpa hing chi zousie Vangam a lut sih ding ahi hizuh a Mathiu 7:21 (“Mangpa Mangpa hing chi zousie vangam alut sih ding uhi, hinanleh ka Pa van a um deilam bawlte bou khu a lut ding uhi”) achi ma bang in tu in eiten zong “Vah thuom in kithuom vai” Azieh ahileh Pasian khu Vah ahia (I John 1:5) “Tami Ama akipat a kazah uh, na kung ua kang gen sawm uh thupuoh ahi, Pasian khu vah ahia, ama ah miel mawngmawng a um sih hi. Tulai mitamtahte vah bang in ikikoi ua, lamdang in zong i gel non sih uh. Ahin tu in zong Pasian gam nasepna vaihawmnate hing tung tou tading i hina uh toh Pasian a Vah mulou a pawlpi puisawm, Pasian deibang ahei chi ngaitua masa lou a ut-ut gen tampi tah aki um ding hi. Hima i hawmthaw leh zong a kilawm in gen vai Pasian khu buoina Pasian ahi sih a, lemna Pasian ahizaw hi.

Tuaziehin tulai nite ahoi non sih chi thei kawmkawm in a hoilou kawmkawm in a hoilou silte a meikuong bop be a panglou a Vah thuom a kithuom a Pasian toisang ding leh Pasian deilam bang a Hattuum leh pawlpi inn sung leh khotaang a hindan siemna ding in pang vevaw va ui.

Mangpa’n simtu zousie hing guoljawlta hen.

.....

Thy tuomtuom leh Thumpi dingte



01. Pasian hoina leh akhut hat a kepbitta toh aha sawmna tan a hing pui galkaitu Mangpa min loupi phat kawm in Ama thupina, Lalna leh minthannate ipe masa uhi.

02. Tukum Session khawmpi thuphasahte bawzuina toh October hasung a kizah ding dan tangpi tam anei a bang ahi. Thumkawm kawm in kisakhawl chiet va ui. Khumbang ni poimaw ineite:

- 1) District PYF kum sim khawmpi - October 04-06, 2019
- 2) District PWF kumsim khawmpi - October 11-13, 2019
- 3) District kumsim khawm - October 18-20, 2019

District chin in tami hun leh nite chiemte tinten in tahsa lam kipawllimna mai hilou in hagau lam a lohpi leh khanletpi chiet dingin pan lachiet va ui.

03. ZPWF Tour khumkhahna 2019: Pasian hoina leh mapuina toh apeisa August 31 September 01, 2019 sung Zou Presbyterian Women Fellowship lamkaite panlahna toh District chin vena nei ahizaw in Presbyterian Church of India Moreh Hattuumte vena leh ZPWF tour khahna vanei uhi. Kivetuona apat a hing kem leh mapuitu Pasian kung ah kipahthu genkawm in Ama thupina ipie uhi.

04. Zou Nampi thumkhawmna 2019: Pasian hoina leh akhut hat a kepbitta ki lamem kawm in kum chin a i Zou nampi'n Nipoimaw leh Pasian kunga Suol thuphatawina a inam in ana manzel uh ang tung ding October 13, 2019 chieng in

Zou Nampi thumkhawmna Committee (ZNTC) te saina in Pasian buonna leh lungdam thugenna in hun zang ding uhi. Thum kawm in kisa khol un...!

- 05. Zou Synod Mission Field tha Honna:** Pasian hoina leh mapuina toh hun sotpi ipawlp in tup leh ngim a nei zing uh. Mission & Evangelism Committee te panlahna toh apeisa August 27, 2019 ni in **Klengbai** leh **Hartunglangso** Area **Karbi Anglong Synod** te toh Partnership a semkhawm ding in Agreement Sign vabawl in Chengbe mun ah Mission Field mun latna Rev. Dr. Hangpi Manlun Moderator in nei hi. Missionary khat 10th October 2019 ni a KAPCS in ana ah ding ua ngansie ahi.
- 06. Moreh Hattuumte vena:** Dated 6th March 2019 ni a 4th Office Bearer Committee thuphasah bawzuina toh apeisa September 14-15, 2019 sung Zou Synod Office Bearer Committee Moreh Hattuumte vena lawching tah in nei zou ta uhi.
- 07. Pasian hoina leh mapuina** toh Synod masawn touzel in khovel khantou dungzui in Office Automation zosieng in umta. Apeisa August 30, 2019 niin Computer te upgrate bawl in Rev. Stephen Chinzathang Sr. Executive Secretary in Pasian kung ah laan in zahpat ahi. Tualeh Biometrice attendance zong zah pat ngal ahi.
- 08. Shillong PYF vaipaw thate 2019:** Dated 25th August 2019 Khanglai Day nin PYF Shillong vaipawtha ding teelna nei ua tam anei a bang teel ching ahi uhi.
1. Leader : Tv. Suonsienlien
 2. Asst. leader : Tv. Zamminthang
 3. Secretary : Nh. Chinghoikim
 4. Asst. Secy. : Nh. Chingmuonkim
 5. Finance : Nh. Bliss Vungneilam
 6. Treasurer : Nh. Cathy Chingmuannieng

Amawpuohnate uh supiching a, Khanglaite deithaw tah a kem leh vanzah manpha ang hi theina dignun amaute innkuon chidamna ngetpieh vaui.

9. Pastoral Ministry a sem ding suina: Synod Theological Education Committee thuphasah bawzuina in Zou Synod a Pro. Pastor nna sem ding a theisahna kibawl bangin amauten apeisa September 27, 2019 niin Synod Office ah Written test exam neisah uhi. Tualeh October 02, 2019 ni in written test a lawching ten amauh document teng toh screning neisah uhi.

10. Solfa Training neisa ten exam neiding: Synod Musiscal Committee thuphasah bawzuina toh apeisa June 18th-28th, 2019 sung Presbyterian Church Thingkangphai ah Solfa training neizou teng in 23rd September 2019 niin exam nei uhi. Amauten a amauh siemna bang zel un Certificate sang uhi.

Amun : Synod Committee Room Zomi Colony

Ani : September 23, 2019

Ahun : 11:00am

Examiner

- 1) Pa Samuel Khamsuankhai
- 2) Pa Thangsuanmuan lehi/c Music (ZPCS)

11. PYF Consultation on Press for Progress: Pasion hoina leh akhut hat a kepbitha muongkawm in PCI lieng a Presbyterian Women Fellowship (PWF) te saina in ang tung ding October, 30th & 31st 2019 sung **Tripura Presbyterian Church Synod at Ambassa Presbyterian Church** Ambassa, Tripura ah Consultation nei ding uhi. **Theme: ;"Press for Progress"** chi ahi. Khum ban ah ei Zou Synod apat PCI huop PWF member hisa mi -4 ZPWF apat delegate mi-5 agawm in mi -9 bang vatel ding uhi.

- 14. Sunday School kumtawp exam 2019:** Synod a 15 vei khawmpi thuphasate bawzuina toh Sunday School zillai te zong simmun tawpna (last lesson) tan bang kizou chietta ahiman in Synod year planner a imu bang un October 27, 2019 (last Sunday) pen Local chin in kumtawp exam nei chiet dingin ikingen in iki theisah uhi. Ahun, anite chiemte in
- 15. Kumbei kuon** a ding ihitah utoh kiton in i Khristian Tangkou dei thaw huoi tah ala tuten khochin a agente afee Rs. 100 (zakhat)ana pe sausau a Office a hing submit ding in iki ngen uhi.

.....

**PASIAN GAM VAWIHAWMNA COMMITTEE (MEETING)
CHIENG A UM DING DAN LEH HAMKAM ZAH DINGDANTE**

Rev. Dr. Hangpi Manlun. D.Th (Serampore)

i).Thupatna.

Awle, Pasian mapuina toh igam uah Saptuam/Hattuom leh Social Organization tuomtuomte zong itam mama mai uhi. Hunchin phialin tahsa lam hileh hagau kipawlkhawmnate ah committee (Meting)-te ihabawl mama uhi. A diehin, ei Presbyterian hattuum ngel pen hun chin a committee a kienkawlpawlp ihi uhi. Miten ang demna uh ahileh, “Mangpa Jesu hingpeita leh zong, na khawngai in hing committee phot va ung” na chi ding chi’n ang dem uhi. Tuabanah, eite kietkawlna ah khun koima mimal in letna-le-thuneina aneituom dieh sih a, Khawmpi/Session leh committee khu thuneina sangpen neitu ahiban ah, khawmpi leh khawmpi kikal ah, Standing/Executive Comittee khu a enkawltu leh thunei neitu ahimai uhi.

Kalawipa khatin USA-ah Doctor of Ministry, a vazil a, a professor khat-un hichin a gensah a, “Nidanglaiin hattuum pen mimal thuneina, (Pope, Father, Apostle)-ten ana enkawl

ua, ahin, tuabang a kietkawlna khu John Calvin in, Bible toh ang etkah chiengin, mimal thuneina toh kietkawlna pen dihsalouin, Upate/Pastorte leh Committee/Session-te a, kietkawh zawhding ahidan ang gen a zuitah chieng un, bawlfuh sengseng in Presbyterian hattuum a umsa Upa/Pastorte khu mundang ah umthei tahtah nawn sih uh” a chisah a, agendih ding zong a gintat um hi. Ahin, alang khat lam ah Committee leh Session ineitam u’toh kitawnin, vaihawm bang isiemthei sih ua, hil-le-zilsah ingai zing uhi. Tuin, Committee leh Session vaihawm chieng a hamkam zah ding dan leh um dingdante ikikum ding uhi.

ii).Thu khat poupou i kikup/ genkhawm chieng un lungsim tahtah leh ngaisutna seng zenin kikum va-ui.

Awleh, committee leh meeting khat poupou a ipanchieng un, amasapen in mite mitmei vengjing kawmin ium sawm ding uhi. Tualeh, Agenda khat ang kigen chieng in dingpai pelpol louin, athukhu ngaitua masa detdetin ium ding ua,

idin sawm leh zong puitu khu Moderator, President, Chairman/Chairperson ahileh hoitahin Pu/Pi chiin ihan masa ding uhi. Tua chiengin, agenda-ma thupi ngaisut a, agenda puolam leh utut teng moh gen thanglou ding ahi. Thamlouin, agenda khat agen/ding tam pen a panlou hamsawm a, en igenlou leh kikhelthei ding ahisihnapou leh migen sasa jong vagen khellou zong angai sih hi.

Tuaban ah, thu saupipi gen leh i agenda loupit sotgen leh utut in igen jel jul sih ding uhi. Tualeh, chiemmui bawl chite, thu khat poupou neu ngaitua chite, mite taihil leh thupi simlou chite nei sih va-ui. Tuabanah, kithupisahna kamtengte leh atheipen bang in thu gen lou in, ki-ngiem khiehta a gen zawh ding ahi. Thu pen ahun-le-amun zil in athupi hi. I thu toh kisai hoi isahna, hoi lou isahlounate, i muna, itheina, ideina, ideilouna, ithukimna thukimlounate ilawm iguolte theitheidi ding a kam dam toh igen ding uhi. Tualeh, aw sang jah, lungthah akitom,

nuahtai chite zong ibawl sih ding uhi. Tualeh, thu kikap laitah a hamlou a, ngaidan jong genlou a, topchieng a keipen in ithupuosah uh hoisa sing, thukim vot sing, kei hoisahna tambang hi chin nua gengen sih va-ui. I gen nuomte khu agen hun agen ding ahi. Thu kikap chieng a, lungsim thepnei, lungsim koi leh naupang bang a helna lungsim ineite paikhia in, hoi isahnate gawmkhawm in, kikum lei tahsa-le-hagau ah, imasawn un i khangtou ding uhi. Tualeh, committee leh meeting sung a na ihmud mai, na kidaphou leh topkal naupang bang a ngahla chite jong iching sih ding uhi.

iii). I thupuosah leh Committee thute khu innsung leh hotel dung pou ah igen jeng jung sih ding uhi.

Committee khat pou pou a apangthei ihileh ‘thuguh kemthei/siem’ mi ihiding uhi. A diehin sahkhua/hattuom lamkaite khu ipilvang mama ding uhi. Committee topnailou a, ithupuosah leh thu kikapnate u’khu hotel dung vel leh mun gamlapipi a umten ana theimai chite bang amata a,

topchieng tanpha a miten kung a gen thang mailou ding ahi. Eitepen, Pasion thuguh enkawle-kemtute ihijieh un thuguh u’khu ikepsiem mama ding uhi.

iv). Thu khat pou pou amatzaw hoisahna leh thu kimna toh khen sat va-ui.

Tahsavai, imi-nam vai, i pawl sung vai, igam ileitung vai hita leh zong thu ikikap chieng un, eima deidan tang tun sah teitei sawmnate, eima ngaidan beh thupisah luotnate, minthan utnate, ang sung khuolnate, topsan in amatzaw deinate jui sawm in vai ihawm ding uhi. Tuabang, ihithe lou ziehun tahsa-le-hagau a ikivaihawmnate ah imasawn un ikhangthei sih uhi. Vaihawmna khat pou pou amatzaw deina toh kalsuon in vaihawm lei kikhantou teitei ding hi. Tualeh, lamkai khat ihizie a mani deidan leh ngaidan sum kuong chieng kei mailouin, amatzaw deidan zithei ding a ium ding uh ahi.

Tuaban ah, Pawlpi khat vaihawmnate khu mimal minphatna dingte, mite kung a maipha suina leh ei mimal

nnasep leh silbawl bang in ila in ingaisih ding uhi. Thamloun, itungtang thu akigen leh agentupa/nu khu galbawl leh ngaw mailouin committee lemsah ahi chi'n ingaitua ding uhi. Nidanglaiin, Pastor khat a hattuohte un singtang lam gamla deu mai khat ah a suon (transfer)-ua, atate lungthahin koi e agentu chia vua ding bangphiel a asawm laiun, Pastorpan, "Committee-ge gen leh lemsah ahi chi'n" atate ahil hi a kichi hi. Eite pen Committee thupuosah hijong leh mimal khat tung a lungthah leh ngawnate ineite uh itop san uh ahunta hi. Tualeh, lamkaiten jong vaihawmna thu kigente khu midangte maipha suina neisawm mai a, keima hing guot leh gensah chite a ipawlp min a nna kisemte khu mani mimal in credit ilahsawmnate topsan va-ui. Thupina khu Pasian leh pawlp ipezing ding uhi.

v). Khat-le-khatte kithupi simna leh kizatata tuna toh vaihawm va-ui.

Committee leh Meeting khat a itouchineg un, a lien/aneu kium tuom lou in ihina (right)-kibang

chiet ihilam uh imanghil sih ding uhi. Tuabanah, vaihawmna khat a ipanchieng un ibawn un kibang ihilam manghillouin ikizatata tuna ding uhi. Thamlouin, ilawm iguolte thugen khu hoitahin ingaisah ding uhi. Tualeh, ilawmte leh ei ngaidan akibahsihtah leh jong thakhat thu a kipongsel mailouin, etsahna dingin, tambangin kam nemin, "Amanu/pa/member zatathuoi in hichin gen jong leh amangai dan hoilou china hipongsan lou in, kei ngaidan in hichi zaw leh chilei" miten zathada lou ding uhi. Ahin, musitna kamteng leh nuaisiana kamtengte khu miten a jada un thuohtheilou uhi. Tuaziehin, hamzah dan pilvang in iguolte jahnop ding kamengte jang lei pichin huai mama ding hi.

vi). Kithumanna thupi ngai sut va-ui.

Tulai khawvel pen mizousie khu apil pen leh thei pen bangin ikingaita ua, tasa-le-hagau lam lamkaite thuman na hinkhuo itasamta mama uhi. Mi pawl khatte in hausa upa, shiate (teacher)-te leh makaite thumanna pen mipahlouna, guol lel na, fellouna,

kisimmawna, mi nuoi aumna, neuna pou isakha leng uhi. Tuabang a lamkai vaihawmte thu manglou a niel gopgopnate, tai/housiet gopgopnate pen, hangsanna, pilna, thutheina, guol tungtuonna dan khatin zong ingaita mawh uhi. Nu-le-pa thu, hausa upa thu, shiate/vaihawmte thu manglou leh zuilou ihiman un, ipilding za, siem ding za, ituohphat ding/ikamphat ding za uh imuthei sih uhi. Tuaziehin, i vaihawmna khat pou pou ah khat-le-khatte kithupi sim in, kithuman lei tahsa-le-hagau ah i gam zong hing khangtou in nuom mama ding hi. Gam khangtou leh minam khangtoute khun alamkaite uh thu uh amangun akituoh ua, tuachin Nam thupi ahitangpi uhi.

vii). Committee/Meeting khatpoupou ah ilawm iguol toh ingaidan akibah sihtah leh jong kimuda mai sih va-ui. I gensa bang un Committee masang a campaing mabawl a mite thugen ding dante mahil/gen leh tup-le-ngim neisa i umlou ding uh ahi. Tuabanah, vaihawmna khat pou pou a ipanchieng ua, ilawm iguolte

toh ingaidan akibah sih leh jong kipong muda mai louin ingaidan uh kituohlou ahigiep a, ei mimal a kimuda chite iching sih ding uhi. A thu ikihausah/nielsah ding ua, eima mimal vang ikihuot leh ikihau koilou hamsawm ding a hi. Tambang, a iumthei chieng un mipi ching iitheipan giep ding uhi. Tualeh, akhente khun imuda leh kituohpi lou khat in bangchi bang in thuhoi/lahoi gen u'leh jong selkhieh sawm teitei chite jong naupan vai leh pichinlouna chi khat ahi kia hi. Tuaziehin, mimal tah a ikumudana leh kitheisiemlouna umkhate khu pawlpi leh committee na mun vel a phuba kilahna ineilou ding uh ahi.

viii). Committee/Meeting na mun khu khat-le-khatte kimai etna, be-le-phung/u-le-nau, tu-le-ta vai toh vai ihawmlou ding ah ahi.

Committee leh Meeting a ipanchieng un lamkaite mai etna, be-le-phung vai leh tu-le-ta vai en a vaihawm lou ding ahi. Tulai, a dahuai mama khat ahileh thudihlou theina zenpi a, ahuntah a gen ngamlou chite khu duhdahlouna chi

khat ahi. Hattuum/pawlpi khat in sih-le-tang a ang guot/sawl chieng un zong ihattuum dan-le-dun leh hinata igup tinten mai ding uh ahi. Koi e khat mai et leh amitmawna uh gen ngamlou ding khop a mikhat sakhou (pocket)-a i saltanlou ding uh ahi. Pasian deina bang e chi ngaitua kawm a adihlou hi a, itheite pen hangsan tah in igen ngam ding uhi. Tambang a Upa lamkaite iding ngamlouna un hattuum vaihawmnate jong khawvel (politics)-vaihawmnate sang in anieh johna leh gen leh sah ding tampi ang umthei leng hi.

ix). Committee (Meeting) puitute umding dan.

Kumtop khawmpi e, ahisih leh Committee khat pou a chair nalah leh member te thugen leh ngaidan hoitah a ngaikhieh a, atamjaw deidan hiding a igintatpen a thutanna bawl ding ahi. Tualeh, kiliensahtah mai mithugen ngaikhiehsahlou leh thusimlou, ngaisahlou chite ibawl hetlou ding un ahoi mama hi. Ei a lamkaipen ihivang a, agen tampen leh mani thu tunsah teitei chite bawl keilou ding ahi. Nidanglain pastor khat a

ki-transfer leh utlouin amalah Moderator hingalin “keima power in sui kakai sih ding” achimai hi. Tambang, ngaidan khu vaihawmtu chitlouna suhlatna ahi. I vaihawmna sungua atamzaw in adeidan ahileh ishina ding ahitah jong leh lemsahpi mai ding dan ahi.

Tualeh, Committee na a laigeltu (Secretary)-ihileh zong miten agen masang leh Moderator/Chairman in agenda a move masang a nagel mailou ding ahi. Hoitah a n- ngai khinkhien a Chairman/ Moderator in thupuona ang bawl chieng a gelpen ding ahi. Mi khen khatte khu min a genda a genkhit masang leh Chairman/Moderator in thupuosahna a bawl masangin ana genkhin mai uhi. Tambang khu felna leh taimatna duhdah lou leh lamkaite simmawna chi khat ahi. Banah, Secretary ihitah leh zong agen tam pen a pansawmlou ding ahi. Secretary-te pen atangpi in a geltu ding ihibou uhi.

x) Vaihawmna mun ah ihagau mitna uh i suhlat jing ding uh ahi.

Tulai mipawl khatte kihagau misahin, khi khatte khi hattuom vaihawmna ngel zong tahsa sil in angai un panlou ding chibangin ngaidan anei uhi. Tuabang mite khi mite vaihawmna bang anua soisel leh adem thei uhi. Tuanah sang a ahitheitan a pan a ahoilou laite siemphat sawm a hagau mitah a jong vaihawmthei ahi. Hattuom leh Organization tuomtuomte ah vaihawmna (Administration)-ahoilou chiengin tua hattuom/pawlp i khu ahatding leh khi ding bang tah in ahatthei sih hi. Tuaziehin, vaihawmna khu Pasian thu leh hagau thu ahichi thei kawm a, lungluttah a pan khu pawlp i chidamna khat ahi. Tualeh, i thei ding ua hoi khat ahileh, i local/hattuom sung uah revival, crusade, seminar leh adangdangte bawlin lawching nan lei zong, anua a i kietkawlnate uh ahoi sih leh koi khi nahsang in kikhenna leh buoinate aletunthei zosop hi.

xi). Pasian gam vaihawmna a bawllou ding a ahoite.

Pasian gam vaihawmna leh tahsa lam (social organization)-vihawmnate kibahlouna theichet ding ahi. Tulaiin,

Pasian gam vaihawmna mun khi khatte khu tahsalam vaihawmnte sangin in anin in kidah huoizawhna chieng a umthei hi. Adiehin, lamkai ding kitel hun chiengin, let ut lalutna ziehin, **groupism** bawl chite leh lang nei sih nei a thu gen koikoi a mite suhtuo lou ding ahi. Tualeh, hattuom sung a hamphatna umthei ding silzousie vawmpi satan a tanzing sawm leh huoiam/mani ang masielnate in Pasian gam vaihawmna khu tahsa vaihawmna a suohsah leng hi. Tuabanah, committee masang a campaign ma bawl leh miten ang gupna ding ua satan hoi pie ding a mite zawlmai (campaign)-chite zong a hattuom vai sih hi. Pasian gam vaihawmna a thuneina zahkhelna leh corruption huoisie vot khat ahi. I tungua vaihawmtute hawm dandan pomthei khu hagau mitna leh pichinna kalbi poimaw tah ahi.

xii). Akhumsitna ding in.

Tualeh, igensa bangun ithupuosahte uh ei deidan leh ngaidan toh a kituoh khah sih tah leh zong, atamzaw deina bang a, vai ihawm nua

ua i lemsahpina uh khut itun
nua-un hoi in hoi sih leh jong
ithupuosah mama khu igup
tinten mai ding uh ahi. Tamkhu,
pichin vai leh lamkai chitna
khat ahi. Eima thupuosah sah
khu nua deinawnlou a complain
bawl mai khu silchin ding
in ahoisih hi. I Khut tunna
leh suoikainate khu igup
tinten ding uh ahi. Tuaban ah,

ithupuosahte u'khu ahithe
ham leh top masanga secretary
in a sim suohsah a, adihlou
umte khu siemphat jeljel ding
ahi. Kimuong jie leh kin zieh
pou a ithupuosahte uh simlou
mai khu ahoipen sih ding a,
zong pichin vai ahisih ding hi.
Mangpan simtu zousiete hing
mapui jingta hen! Amen.

.....

A lah ua kipat hing pawt unlen

ATUOM IN UM UN

(II Kor. 6:17)

- *Upa Khupsuankham*

Thumapui: Atunglam isim leh Paul in lawkyte leh Khristian ten hahkol puohkhawm lou ding dihtatna leh dihtatlouna in kikopna anei lou dan, vaah leh miel in kituohna aneilou dan; Khrist leh Belial in kituoha aneilou dan; tualeh gingtu leh ginglou mi'n bangma tankhawm aneilou dan aget nua in, alah ua kipat a pawtdoh a atuoma um (kikhen) dingin thupieh ahing bawlta hi. Pasian khu Pasian siengthou ahi ziehin anin, bua, ahoilou leh adihlou zousie apat kikhen (tuom um) dingin atate adei hi. Tam thu Genesis apat kihilna tan ah a velvel in imu hi. (Gen. 1:4). Pasian in vaah leh miel asukhen hi achi leh kihilna 2:27a (Jerusalem tha) bangchih ma in silbuohte leh kidahhuoi bawl... alut sih ding achitan dongin Pasian in atate siengthou dingin adei zieh a tuom um ding thu avelvel in agen hi. Thuhun lui lam gen lou in Thuhun tha ah gingtute khu silthum a kipat a atuoma (kikhen) um dingin Pasian in thu ahing pie, tuate khu:-

1. Thuhiltu tahlou (False Teaching) apat in: 2 Kor. 11:13-15, isim leh Paul in thuhiltu tahlou "Khrist sawltah a kibawl tawm, nasemtu

solhatte sawltah tahloute” um thu ah gingtute pilvang dingin ahil hi. Tualeh tam khu aman Setan in Eden a Adam leh Evite asol toh kizoitawn ahidan zong atahlang hi. (I Tim. 6:5) sung ah “Thuhilna hoi pomlou a kithuhilna dang hilte apat kihemkhie dingin Paul in Pastor Timothi ahil hi. Tualeh 2 Tim.4:3 in kithuhilna dih angaikhieh peilou hun uh hing tung ding ahi achi hi. I Pet 1-3, in zong gingtute lah a houtu tahloute ahing um ding thu ahing hillawhna ang pie hi. Chillai guolneite laha zong guolnei tahlou ana um thu Peter in akohmu hi. Tam thuhiltu dihloute thugen ziehin Pasian thutah gente khu gensiet ahiding uh chi’n Peter in agen belap hi.

Tualeh II John 9:11, sungah Apostle John “Khrist thuhilna” dungzui a umloute inn a zong tung sahlou ding leh kampha a zong houpi lou ding khopin ahil hi. Kampha a vaihahtu khu ama gitlouna a kitaanpi achi mai hi. Tuaziehin thuhiltu dihloute apat ituom umding uhi.

2. Unau thu mangloute apat: Tulai mitampite ngaitua dan in “Koima” kimudalou ding, kingaisiem ding, chi ahimai

hi. Ahivang in, Bible in Unau thumanglou a suol kisia nuomlou leh tawpsan nuomloute khu kithuapi lou dingin kichien tahn ang hil hi. (I Kor. 5:1-12) sung ah Paul in a pa Ji lahpiehpa khu kikkenpi lou a aumpi zing zieh ua khoh asahlou dan thu agen nua in atawpna ah “na lah uah patin tua migiloupa khu koidoh un” achi hi (IKor.5:13). Tulai Hattuumte hatlouna leh hoilouna jieh khat khu Unau thumangloute toh ikikhen utlou zieh uh ahi (II Thes. 3:6-16) sung in zong thuginalou taha gamta unaute khu Paul in tuami khu chiemte unlen, kithuapi sih un azumtheina dingin achi hi. Tualeh Eph. 5:11 leh Matt. 8:5-11 in zong Unau suol kisia nuomloute toh kigop lou ding thu ang hil hi.

3. Khawvel umdante apat in: I John 2:5-17 sung ah Pasian thu in khawvel it sih unlen, asunga sil umte zong it dieh sih un achi hi. Tam na khawvel kichi khu khawvel umdan leh bawldan chiin dan Pasian thu toh kituohlou thute zousie china ahi. Jacob 4:4 in nou angkawm pate leh angkawm nute aw, khawvel lawm hina khu Pasian

toh kimelmatna ahi chi thei khelou uh i? achi hi. Tulai gingtu tampite Mangpa Jesu thumna isim leh piengtha gingtu dihtahte khu khawvel ah um nan ulei khawvel a hinonlou achi hi. John 17:14 leh 16 ah, Mangpa'n kei khawvel a ka hilou mabang in ama uh zong khawvel a ahi sih uh, achi hi. Tualeh khawvel in ama (Jesu) ahuot bang a ei gingtute zong khawvel in ang hua ahi chi zong 17:14 ah imu hi.

Khawvel in eite hing muda taseng a, eiten lah khawvel lungsiet mama chi khu sil dahuoi ahi. Numei khat a pasal mikhat in thasah henlen tua numei nu in a pasal thatpa lungsiet henlen, kiteenpi leh tua tobang lel ihi uhi. Pasian in a Hattuumte khu siengthou ding in ang dei hi. Tualeh sienthou theina ding in atung a kigen sil thumte kihilna dihlou unau thumanglou leh khawvel umdan hoilou zousie apat ikikhen a, atuom a i um ding ahi.

Hospital khat in natna douna leh daalna ding in sienthoua dan lampi zui ding anei hi. Tuatela khat khu a vanzahte uh tuisou a huon a natna hih umthei dingte

apat suhsiengna (Sterilization) a bawl uh poimaw hi. Hospital khat in tambang a bawl gige ding zong a chimtah huoi hi, chiin bawl lou taleh tua Hospital khu damna inn hilou in shina inn aHING suohta ding hi.

Pasian khu lungsiet siem Pasian hinanleh a dihlou leh asienglou khu angaisiem tuom sih hi. Tuaziehin, a thupieh khu “Alah ua kipat in hing pawtkhie unlen, atuom in um un, achi ahi.

Thuzawna: Gingtute khu ‘Lungsietna thutah gen ding a thupieh ihi ua; kihilna leh gindan dihtah (Doctrine) izui ding a, tualeh hinkhuo hoitah (lungsietna) inei ding uh ahi. Hinanleh doctrine dihtah ngaisahlou in kilungsietna leh kipumkhatna ding theitawp suo in um nanlei bangma aphatuom sih ding hi. Doctrine dih khu umdan hoi in azui ding ma ahia, hinanleh WCC tebanga utdandan gintat a, kipumkhat ngotmai ding khu dihtheilou hi. Doctrine dihlou apat hing pawt unlen atuom in um in, chi'n Mangpa'n achi hi. Simtute zousie Mangpa'n guoljawlta hen.

KIPAH THU GENNA

Zou Presbyterian Women Fellowship 8th Session thuphasah dungzui in District chin a khuo Local poimaw deute kunga Tour peiding chi ahi dungzui in June 02, 2019 in Singngat District S. Vengnuam Hattuum ah pei kipan in September 01, 2019 in Moteh II (MGP) Hattuum ah zaw ahita hi.

Tami Tour pei hung sung a Hattuum chinten kihong tah a nangna vaidawn na tung uah kipahthu kang gen ua, maban ah tamsang a thupizaw in Mangpa'n hing mapui zingta hen.

.....

Na shi nua chieng a na zot mun ding na thei chien tai?

KITHEI TEL THEINA DINGIN NA KINGAITUO IN AW UNAU

By- Upa K. Mangpu

Sangaikot

Bible taang: Thugenpa 9:10: *Nna nasep khat phot ah hakat in aziehpén mishikhuo ah nasep ngaituo pilna chite um nawn sih va na zot mun khu mishikhuo ahingal a, achi hi.*

Sam 119:19: *Leitung ah khuolzín tambang kahi bou hi na thupiehte kei a kipat phuol sin.*

Job 34:20: *Mikhat zanlai in adin shi thei a... achi hi.*

I Bible sim in mishikhuo agen a amasan mishikho gen vai

01. Mishikhuo .. khu leimun ngiem pen mishikhuo a (Grik) ham in (Hades) Eiham in - akimutheilou Leitung ahi.
02. Tam mun khu (Shina) leh thawkiana) hun kikal a mishite (Hagau) kholkhawmna kingakhawmna mun mishikhuo ahi. Tam laisiengthou mun te ah akimu hi. (Nasep 20:27-31; Kilahna 1:18; 6:8; 20:13-14 en in).
03. Sheol khu Hebrai ham ahia, Thuhun lui laibute ah mishite peina mun dan in agen hi. A kigen dan in Han bang a gen ahia, mishite kholna mun ahi (Gen. 42:38; Job 14:13; Sam 88:3).

04. Laisiengthou mun dang te a zong (Sheol) khu (Lung ngaina mun) bang in agen hi (2 Samuel 22:6; Sam 18:5; 116:3 en in). Migiloute peina mun bang in agen hi (Sam 9:17; Isai 14:9; Ezekiel 32:21) Thuhum lui a (Sheol) leh Thuhun tha a (Hedes) thu munkhat a kibang ahi Luk 16:23.

05. (Hades) mishi khuo khu munni a khen ahi.

1) Hundamtate kingahna mun (Paradis) ahi, amau a ding in bangma lung himawna ding aum sih thokiana (Rapture) nikhuo ngahna mun ahi.

2) Hundam loute a ding in vang lungkhamna lungngaina ahiding hi. Tam mun khu gotmun ahinai sih, a leitung a adamlai a Khantanhoi anapomlou zieh ua kisiana mun ahi Pasian in agotna ding hun hing tun ngahna mun ahi.

Tuin kingaituo in

1. Na zot mun ding na theitel tai
2. Vangam tun theina ding Na (Visa) kmansa ahi tai? aman nailou leh sufel kin in na deikin kha ding hi.
3. Tu in kingaituo masan

nikhat in mi (100.000) valten ahinna atan uh - shina hanmuol azuon uh, tuate Hagau hei ah atung diei na hinna humbit in na kithei ei?

4. Na shi zouchieng a ding in gam neipa toh na kimelthei nai?
5. Shina khel ah thuneipa (Ticket) na nei tai?
6. A shi ding in na man tai?
7. Mihing in a peltheilou amolpen in zong a thei shina ahi.
8. Dactor ten a suhdam theilou (shina) ahi.
9. Khatvel khovel nuasie ding nahi sum hat a suhsau thei hilou, i hinkhuo uh hing bei ding ahi.
10. Shina in na kung ang tun chieng in nang kisah zou sahzoulou um lou ding khovel na taisan ding hi.
11. Shina in na kot hing kiu baita ding hi.
12. Mishi khuo apat hatna aw naza baita ding hi.
13. Hundamna lampi zuikha inn na kithei ei?
14. Mangpan khum gam natun theina ding in hing ngah nalai hi, hing kinua hei in.
15. Na ma lam nawnaw sin shina lampi ahi.
16. Nangma buoinate kholphot

- in len Pasian toh nakal
buoina suhfel phot in.
17. Na piengtha tai --? Na kitel
tai ---? Na kihel tai ---?
18. Hundam dingte shikal
ngala uh hundamlou dingte
shiding ki it uh, koizaw
nadei zawi?
19. Hatna pengkul ging ding hita
Vanlai zawl ah lentouna ding
ginna nanei ei?
20. Tu in kingainiem tah in
Pasian kung ah thupha tawi
in eite gitlouna khu thupha
tawina ding a hoipen ahi

Simtute Mangpan theisiemna hing pe taken Amen.

.....

HOSEA BANG IN

- *Solomon Lianminthang*
BD - Student (MTC)

I Lai-seng-thou tung-tawn a Thuhun lui (Old Testament) a ina mu bang un Hosea kichi mikhat aum a, ama khu Jawlnei neu 12 te lah a khat ahi. Amin khiehna khu “Mangpan ahundam” china zong ahi. Ama khu kumzabi 8th na hun lai a jawlnei (8th Century Prophet) zong ahi. Tuakhu akum a en ding hilei 800-700 BC kikal china zong ahi. Ama khu jawlnei/guolnei te lah a tanchin gelsa aum kithei umsun zong ahi (Scholars te suidan in). Tualeh tahun lai in Jeroboam in Israel Leeng vai ahawm laitah ahi. Tunin ama hinkhuo tamlou leh ama hinkhuo tungtawn a Pasian in Israelte tunga vaihawm dan leh ama hinkhuo zanga Israel te ana hildan leh ana zilsah dan neukhat i en ding uhi.

Beer-i tapa Jawlnei Hosea khun Mangpa thupieh dungzui in kizua (Prostitute) aum Dib-laim tanu Gomer khu Ji ding-in ava neita hi, tuachin Hosea in Gomer toh ta 3 anei ua, hinanleh Gomer khu apasal Hosea tunga dihtat zoulou in ang akawmsan a, hinanaleh Pasian in Hosea khu a ji angkawm aum khu nuapui kiadingin thu apie a, tua tungtawn in Hosea in aji

Gomer khu a angkawmna apat in ava puidoh kia a, aji ding-in alakia hi, hinanleh Gomer khu apasal in it in atung ah dihtat tah in um nanleh ama khu apasal ading in adihtat zousih a tualeh malah in ahindan lui angkawmna mun, kizuana mun lam azotsan jel hi. Tami Hosea leh Gomer tungtawn a imu ahileh, Pasian in Ama leh Israelte kikal a akizopna (relationship)

uh etsahna ahi, tamnah Hosea khu Pasion toh tekah ahi a, tualeh kijuana Gomer khu Israelte genna zong ahi. Jawlnei Hosea hunlai in Israelte khu Gomer bangbang ahi ua, kijuana munpi tualeh sietna chinteng umkhawma mun bang hiel a gilou leh khiel ana hi uhi. Tam hunlai in Israel ten Pasion abe nuom sih ua, amau nopsahna chiet leh amauh ut bang in aum ua, saltanna apan puikhie Pasion phawhkhah na mawngmawng anei nonsih uhi. Tuaziehin Pasion in Hosea tungtawn a atung ua avaihawmna leh athukhenna apuon dingdan ana genlawh sah ahi.

Tua hunlai in Israel ten Pasion bang chituh in kitheimaw bawl in kihei mangsan nan uleh Pasion in ana telsa Ami Israelte bangchi tan in ana manghil sih a, bangchi tuh in khiel un Ama kihei mangsan sawm nan uleh Ama lam a akihei ua Ama ahing beelkia ding uh ana kinem zing nalai hi. Pasion in Hosea tungtawn in ami Israel te zilsah nanleh atheisiem tuom sih ua, athu azui uttuom louzieh un Pasion lungthahna atung uah atung ta a, tuachin Pasion in akhela ua pan akisia masang tan uh Israelte tung ah vaihawm in thukhenna (judgement) huoisetah

ana tungsakta hi. Tuachia saltanna, bawlsietna leh suhgentheina chituom tuom ahing tuoh nua un ahing kisia ua, tuachin Pasion lam ah ahing kinuale kiata uhi. Tuachin Pasion atung uah ahing lungdam kia a amaute ahing tungding kiata hi.

Tuachi bangma in tulai Khristian te dinmun enlei Pasion toh ikal uh Hosea leh Gomer abang thei hi. Pasion hing itna ithei ua, Pasion thu thei ikichi ua, Jesu Khrist Ji ding a khamisa ihi ua, hinanleh Jesu Khrist kilepsan zel in, khovel toh angkawm kha zel ihi. Hosea in Gomer a it bang a Pasion in eite ahing it hi chi thei na sasa in nichin i khosahna, igamatna ah, Gomer bang in Pasion iki heimang san zel uhi. Tuaziehin nichin in Pasion toh ikal (relationship) siemhoi sawm zing vai. Pasion in Ama lam a kihei zing ding in ahing deizing hi. Tuaziehin “Dihtatna chi itu zing ding ua, tuona i at zing ding ua, ileikhalte uh isatnen ding ua, Mangpan itung adihtatna guo ahing zuhsah masangsia in Ama isui zing ding uhi” Hosea 10:12.

Simtu zousie Mangpa’n ahing itdan theisiem a ginum tah a Pasion toh zawhkhawm zing a, ama tung a dihtat zing ding in hing guoljawl chietta hen.

.....

BANGZIEH A SERAMPORE UNIVERSITY I POM SESE AHIEI?

I Synod/Hattuum mai hilou a, PCI tan pha in zong Pastor ding in Serampore university nei a zilte bou kipom hi. Tukhang ah Khanglai tamtahte Laisiengthou zil ut a kibe lap tou jel a, hinanleh Serampore college te pen azil man tam thei mama ahina ah, azil man tawm zaw na munte zuon zel ua, Bible zil ahipou leh mun khat pou pou hoina va chi lunggel nei tampi um hi. Hinanleh ei Centralize Church, PCI te a ding in vang Univesity College lou pom thei ahilou dan thei siem poimaw mama hi. Tuaziehin Serampore Univesity a Laisiengthou zil chiet apoimaw dan tam anei a bang in en vai.

Serampore ichi pen University ahia, tuami nei a College tuomtuom 60 India pumpi ah um hi. Tualeh aniem pen Diploma in Worship and Music apat in asang pen Doctor of Theology tan um a, hinanleh Hattuum a Pastor hitheina dingin angiem pen khu Bachelor of Divinity ahita hi. Tam College te khu azil man zong atam a, alut zong ahasa mama hi. Siemzilna Acedemic lampan a khovel a chiemte tham a um khat zong ahia, Indian Government nei a Bible University Recognized umsun zong ahi. Serampore College in foreign College degree a pawmthei tawm mama a, tudinmun in khovel pumpi a College 37 apom thei hi.

Tualeh Serampore leh adangte kikhiehna ahileh Serampore College te Subject leh Syllabus kibang akizang hinanleh College dangte pen College te thaneina toh bawl ua, amau uh college deidan chiet akihil uhi. College paper aum a, Senate paper zong um a, Serampore College nuoi a Bible zilte a zil uh BD tan akibang uhi. College khenkhat ah direct in Master of Theology direct in zilthei sah valong ua, Serampore college ah secular Ph. D. degrees zakhat neinan lechin zong BD a kipat ding BD a na grade ahoi sih leh Master degree/ bawltheilou lai ding. Secular degree a koiman direct a Master a bawltheilou uh toh kibang hi. Master degree ziltheina din BD

angiem pen second class 60% a mulou leh a ban ziltheilou ua, third class te a ding a damsung a maban sawntheilou a tuol tou den mai ngai hi.

Ei Presbyterian Church in Serampore degree bou ipomna zieh uh ahileh i constitution uah tuongngei ahizieh ahiban ah munkhat a semkhawm ding khu tuinah khat dawnkhawm ahisih leh doctrine a semtute ang kibahlou chieng un Hattuum ah kikhenna leh kituohlouna a piengsah thei a, igamua Hattuum khenkhatte kikehna zieh khu a zilna uh a kibahlou zieh ua, ama ua dihipen chia ang kibuai chiengin Hattuum chidamlou hi. Tuazieh a eiten Pastor din Serampore College a zilloute i constitution dungzui in kilatheilou himai hi. Ahin hagau mitna leh sepna lawchinna pen a mi zil ahi. Tuaziehin Hattuum sung ma a nasem ut a Bible zil ten Serampore College ma ah azil ut ahoipen hi.

Tuaban ah Serampore College a BD zouten direct in Master degree secular college te ah bawlthei ua, tualeh Serampore nuoi a BD college hong dingin

Serampore College a Doctorate degree holder mi li bang aumlou leh hongthei va ia lou ua, ban ah laibu zong a nei ding uh volume anei ding za uh university in bihkhiet sah a, tuazat neilou ten college ngel zong neitheilou uhi. Doctorate zilding in zong M. Th. a 60% a ngiem pen a mu ngai ahina ah Doctorate zil ding pen Academic Quality hoitah anei poimaw mama hi.

Tuazieh in Serampore University pen PCI in zong amohmai a apom ahisih a, Hagau lam mai hilou a, Laisiemna sangtah Academic Quality kisingsahna Hattuum lientah ki etkolna lam a vaihawm ding siemkhietna, kizilsahna kibang ahina a, hun saupi en a Hattuum damtheina ding a ahing pom uh ahidan thei lei uthuoi mama hi. Tualeh Serampore apat a hing zou khia mi khat pen val ngai nonlou hi. Pasian hing hat na tuomtuom um thei nanleh akizahna lamlam ah zah thei hizing t a a, mun teng ah Pasian nasep theina ding mun nei zing hi. Tuaziehin tamthu theichien in Laisiengthou zil ut amaw zil mai hilou in ikizahna ding hoitah a ngaitua a zilna mun tel poimaw mama hi.

ZPWF COLUMN

August 23, 2019 to September 23, 2019 tan a Tunnu

Limbel panpina pete:

1. Upa Goumang, Central Church	Rs.	100
2. PYF S. Vengnuam-Maitam	Rs.	3,300
3. PY F Annngawlina thumna	Rs.	210
4. PWF Behiangtung, Anntang taang	Rs.	500
5. PWF Belpuon, Anntang taang	Rs.	500
6. Upa M. Thonga, Aina	Rs.	2,000
7. PWF Awnchinkap Khuo, Anntang Kg. 39 &	Rs.	840
8. PWF Manniang khuo, Anntang	Kg.	25
9. Pa H. Kapneithang & Family, Central	Rs.	2,000
10. Nu Chongzakim, Lailamveng	Rs.	1,000
11. PWF Emmanuel Khopi, Anntang taang	Rs.	1,000
12. Upa Ginzadong, Tuibuang	Rs.	100
13. PWF Gamnuam Veng Moreh	Rs.	3,000
14. LCC Gamnuam Veng, Moreh	Rs.	5,000
15. PWF Gamnuam Veng, Moreh Anntang taang	Rs.	2,000
16. P.Church Moreh-I	Rs.	3,200
17. P.Church Moreh-II	Rs.	2,420
18. PWF Moreh-II, Anntang taang	Rs.	2,000
19. Upa Kamlianhang, Moreh-I	Rs.	10,000
20. Pa Chinsuankhai, Moreh-I	Rs.	5,000
21. Pa Kaiminhang, Moreh-II	Rs.	1,000
22. Pa Thangboi, Moreh-II	Rs.	3,000
23. Nu Nousuanching, Central Church	Rs.	500
24. Nu Dondeiching, Central Church	Rs.	500
25. Nu Dimneiching, Central Church	Rs.	1,000
26. PWF Central Church, Anntang Kg. 120 &	Rs.	1,710
27. Pa S. Mangminhang, Zomi Colony	Rs.	500
28. Nh. Ngaideimoi, Imphal	Rs.	100

29. Nh. Nianglunzou, Imphal	Rs.	100
30. Mrs. Flora Hatnu, UK	Rs.	23,000
31. PWF Mualtam, Anntang Kg. 10 &	Rs.	100
32. Nu Mandeikim, Central Church	Rs.	400
33. PWF Aina, Anntang	Kg.	50
34. PWF Tonjang, Anntang	Kg.	50
35. PWF Zoumunnuam, Anntang	Kg.	50
36. PWF T. Munnuam Anntang	Kg.	100
37. Nu Chongzakim leh Nh. Lalremsiam, Lailamveng- Naupangte adi sil leh ten hunkhop		
38. Nu Niangsuanching, Lailam Veng	Rs.	1,000
39. Nu Mannianching, Lailam veng	Rs.	1,000
40. PWF Muollum Anntang Kg. 45		

41. P. Church Muollum:

1. Rev. Dr. Hangpi Manlun	Rs.	50
2. Upa Zamthang	Rs.	100
3. Upa Chinlam	Rs.	10
4. Upa Lammang	Rs.	710
5. Sye David Kap	Rs.	100
6. Sye Goukhenmung	Rs.	20
7. Pa Suonpau	Rs.	50
8. Pa Nehkhotong	Rs.	50
9. Pa Thangkhausuan	Rs.	80
10. Pa Min Zou	Rs.	10
11. Pi Dimkhannel	Rs.	30
12. Pi Vialvung	Rs.	10
13. Pi Mankhanniang	Rs.	90
14. Nu Vungsuanching	Rs.	20
15. Nu Manneilam	Rs.	20
16. Nu Chinghat	Rs.	20

17. Nu Suonnieng	Rs.	150
18. Nu Ngaiching	Rs.	20
19. Nu Dimhoiching	Rs.	20
20. Nu Zouching	Rs.	40
21. Nu Nianghauching	Rs.	20
22. Nu Niangngaiching	Rs.	50
23. Nu Nuomkhanngai	Rs.	10
24. Nu Niangsien	Rs.	20
25. Nu Vahsi	Rs.	40
26. Nu Ngaikhannieng	Rs.	40
27. Nu Niangpi	Rs.	10
28. Nu Chiinneingai	Rs.	50
29. Nu Nuomneu	Rs.	50
30. Nu Ngaihsang	Rs.	10
31. Nu Niangnemchiin	Rs.	50
32. Tv. Dodong	Rs.	20
33. Tv. George Lialian	Rs.	300
34. Tv. Hangmuonlien	Rs.	10
35. Nh. Ngaineinum	Rs.	20

Petu zousie Mangpa'n hing guolzawl zing taken!

.....

Theisahnna

Kum 2020 a ding Synod Calendar zaw ahita a, adeitea dingin Synod Office, Zomi Colony ah Office kai hun sungin mu thei zing ahi. Aman ahileh copy khat ah Rs. 30 ahi a, tualeh Unit chin a PYF-te fund rise na a zua utten ngaiven thei ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhanthup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhanhsuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai		

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhanneiang	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun
19. Pu Kapminlian	18. Upa Thanginsuan	

Undelivered

Please return to:

The Editor

KHRIŒTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a.
